



XUNTA DE GALICIA



**CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA, A AXENCIA PARA A MODERNIZACIÓN TECNOLÓXICA DE GALICIA E A FEDERACIÓN GALEGA DE MUNICIPIOS E PROVINCIAS PARA O DESENVOLVEMENTO DO PLAN DE INCLUSIÓN DIXITAL NO EIDO DA ADMINISTRACIÓN LOCAL**


Santiago de Compostela, 15 de xaneiro de 2014

**REUNIDOS**

Dunha parte, don Alfonso Rueda Valenzuela, vicepresidente e conselleiro de Presidencia, Administracións Públicas e Xustiza da Xunta de Galicia, que actúa de conformidade co disposto nos artigos 33 e 34 da Lei 1/1983, do 22 de febreiro, reguladora da Xunta e da súa Presidencia, e mais co disposto no Decreto 230/2012, de 2 de decembro, polo que se nomea Vicepresidente da Xunta de Galicia, e no Decreto 229/2012, polo que se nomean os titulares dos departamentos da Xunta de Galicia e en virtude das funcións e competencias que lle atribúen o Decreto 233/2012, do 5 de decembro, polo que se determina a organización, función e competencias da Vicepresidencia da Xunta de Galicia, e no Decreto 72/2013, do 25 de abril, polo que se establece a estrutura orgánica da Vicepresidencia e da Consellería de Presidencia, Administracións Públicas e Xustiza.

Doutra parte, dona Mar Pereira Álvarez, directora da Axencia para a Modernización Tecnolóxica de Galicia, no uso das facultades que lle son atribuídas polo Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, e o Decreto 91/2012, do 16 de marzo, polo que se nomea directora da Axencia para a Modernización Tecnolóxica de Galicia.

E doutra parte, don Jose Manuel Rey Varela, presidente da Federación Galega de Municipios e Provincias (en adiante, FEGAMP), no uso das facultades que lle son atribuídas polo artigo 46, punto primeira letra d) dos vixentes Estatutos da FEGAMP (aprobados pola asemblea xeral ordinaria do 4 de decembro de 2003) e en virtude do seu nomeamento pola asemblea xeral do 26 de novembro de 2011.

  
  
galicia



XUNTA DE GALICIA



Todas as partes comparecen en nome e representación das súas respectivas institucións, recoñecéndose de modo recíproco capacidade xurídica, lexitimidade, suficiencia e vixencia das súas respectivas facultades para subscribir o presente convenio e na súa virtude,

### EXPOÑEN

**Primeiro.-** Que a Estratexia Galega para a Sociedade da Información busca fomentar o desenvolvemento dunha economía baseada no coñecemento até conseguir a converxencia de Galicia cos obxectivos fixados pola Unión Europea na Estratexia de Lisboa e nas sucesivas revisións deste programa. A Estratexia Galega para a Sociedade da Información define as políticas para que Galicia se introduza plenamente na Sociedade da Información. Neste proceso de discusión participan expertos da Sociedade da Información de todos os ámbitos.

**Segundo.-** Que, segundo o artigo 6 do estatuto da Axencia para a Modernización Tecnolóxica de Galicia aprobado polo Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, a Amtega ten entre as súas competencias a dirección e xestión de todas as actuacións da Xunta en materia de tecnoloxías da información e as comunicacións e o deseño e liderado de iniciativas que contribúan a impulsar o desenvolvemento da Sociedade da información en Galicia, garantindo os dereitos dos cidadáns e eliminando as barreiras que se opoñan á expansión e ao uso das novas tecnoloxías.

Así mesmo, de acordo co artigo 5 do Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, queda desconcentrada na titular da Dirección da Amtega a competencia para subscribir con entidades públicas e privadas, en nome da Amtega, convenios de colaboración excluídos da lexislación de contratos do sector público.

**Terceiro.-** A Dirección Xeral de Administración Local, integrada na estrutura orgánica da Vicepresidencia e Consellería de Presidencia, Administracións Públicas e Xustiza, ten encomendadas, entre outras competencias, o fomento e impulso da incorporación das novas

galicia





XUNTA DE GALICIA



tecnoloxías, en colaboración coa Axencia para a Modernización Tecnolóxica de Galicia, e de métodos de calidade nas administracións locais galegas.

Neste contexto, a Dirección Xeral de Administración Local ven desenvolvendo numerosas iniciativas que buscan a coordinación de esforzos entre a Administración Autonómica e as Administracións Locais galegas para impulsar o uso das TIC nos seus procedementos co fin de desenvolver a administración electrónica na nosa Comunidade (e-Administración) na procura dunha reorganización e modernización dos servizos públicos, o cal permitirá a consecución dos obxectivos de eficacia, eficiencia, transparencia e participación cidadá.

**Cuarto.-** Que a Federación Galega de Municipios e Provincias ten, entre os seus fins, promover, representar e defender os intereses das Entidades Locais ante outras Administracións Públicas, conforme o disposto no artigo 6.1, letra b) dos seus Estatutos

**Quinto.-** O Consello da Xunta de Galicia adoptou, con data 25 de febreiro de 2010, o Acordo para a posta en marcha da Rede de Centros para a Modernización e Inclusión Tecnolóxica (Rede CeMIT).

En cumprimento das previsión recollidas no acordo mencionado, levouse a cabo a fase consistente na posta en marcha da Rede de Centros para a Modernización e Inclusión Tecnolóxica (Rede CeMIT) coa finalidade de coordinar as actuacións das distintas aulas públicas de acceso a internet dependentes da Comunidade Autónoma de Galicia dirixidas a acadar a alfabetización dixital da sociedade galega e o desenvolvemento da Sociedade da Información, contando coa estreita e permanente colaboración do Centro de Novas Tecnoloxías de Galicia (dependente da Consellería de Traballo e Benestar) e que permitiu que a Rede teña presenza en 92 concellos, pertencentes a 53 comarcas.

**Sexto.-** Unha vez rematada a fase de posta en marcha da Rede CeMIT e acadados a totalidade dos obxectivos perseguidos, faise necesario o desenvolvemento dunha segunda fase de evolución do modelo actual a través da definición e posta en marcha do Plan de Inclusión Dixital de Galicia co obxectivo de converter á sociedade galega nunha "Comunidade Dixital" que comparta valores, fomenta a igualdade de oportunidades neste eido e sexa participativa e colaborativa, utilizando servizos dixitais para a mellora do seu benestar e a súa calidade de vida.

galicia





XUNTA DE GALICIA



A través das medidas contidas no plan será posible mellorar as competencias dixitais dos galegos, con independencia da súa idade, lugar de residencia ou situación económica, favorecendo así un acceso máis rápido e áxil aos servizos e produtos que satisfagan as súas necesidades no ámbito persoal e profesional, pero tamén logrará:

- Aumentar a accesibilidade a Internet.
- Avanzar na alfabetización dixital dos galegos.
- Diminuír a fenda dixital territorial e de xénero.
- Mellorar a empregabilidade en Galicia..

**Sétimo.-** Neste contexto, a Federación Galega de Municipios e Provincias, dentro do seu ámbito de competencias, está chamada a desenvolver un papel fundamental nesta nova fase servindo de canle de comunicación entre os distintos concellos de Galicia e a Axencia para a Modernización Tecnolóxica de Galicia, difundindo, promocionando e potenciando o novo modelo coa finalidade de que os concellos e provincias de Galicia se sumen a formar parte da Rede, conseguindo que este novo modelo acade o maior ámbito xeográfico, institucional e social posible.

**Oitavo.-** Que a Federación Galega de Municipios e Provincias está interesada en promover e participar no desenvolvemento da Rede de Centros para a Modernización e Inclusión Tecnolóxica (Rede CeMIT).

**Noveno.-** Con base nas consideracións anteriores, a Vicepresidencia e Consellería de Presidencia, Administracións Públicas e Xustiza a Axencia para a Modernización Tecnolóxica de Galicia e a Federación Galega de Municipios e Provincias acordan subscribir o presente Convenio que se rexerá polas seguintes

#### CLAÚSULAS

galicia





XUNTA DE GALICIA



### PRIMEIRA.- Obxecto

O presente Convenio de Colaboración entre a Vicepresidencia e Consellería de Presidencia, Administracións Públicas e Xustiza a Axencia para a Modernización Tecnolóxica de Galicia e a Federación Galega de Municipios e Provincias ten por obxecto regular a colaboración entre estas institucións para o desenvolvemento do plan de inclusión dixital no eido da Administración Local e a consideración da FEGAMP como entidade colaboradora das subvención aos concellos que acepten as bases mediante a presentación da solicitude prevista na cláusula terceira deste convenio.

Este convenio enmárcase dentro das accións definidas na Axenda Dixital de Galicia 2014.gal.

O presente convenio tramítase como anticipado de gasto.

### SEGUNDA.- Descrición do proxecto

Unha vez finalizada a fase de posta en marcha da Rede CeMIT e acadados os obxectivos establecidos, faise necesario o desenvolvemento dunha segunda fase que permita evolucionar á Rede CeMIT cara un modelo universal e global, onde todos os axentes públicos e privados poderán participar non só nas políticas de alfabetización, senón tamén nas políticas de inclusión dixital en calquera parte do territorio galego.

Desta maneira, porase en marcha unha segunda fase na que se desenvolverá un Plan de Inclusión Dixital que permitirá avanzar na alfabetización dixital de todos os galegos. Nesta nova etapa, a FEGAMP, xogará un papel fundamental como canle de comunicación cos concellos galegos e participando activamente na posta en marcha e difusión deste Plan de Inclusión Dixital nos Concellos de Galicia a través da rede ceMIT.

Por outra banda, a Amtega encargarse da elaboración e do impulso do Plan de Inclusión Dixital de Galicia, que permitirá avanzar na alfabetización e capacitación dixital necesarias para converter á Sociedade Galega nunha Comunidade Dixital

galicia





XUNTA DE GALICIA



### TERCEIRA.- Aulas de referencia

Dentro das aulas que integran a rede CeMIT, terán a consideración de aulas de referencia aquelas que se incardinan nalgún dos supostos seguintes:

- a) Aulas na que o nivel de actividade, no ano inmediatamente anterior, en actuacións de alfabetización e/ou inclusión dixital sexa igual ou superior ao 50 % respecto do total da actividade desenvolvida na dita aula.
- b) Aulas nas que o nivel de actividade, no ano inmediatamente anterior, en actuacións de alfabetización e/ou inclusión dixital estea comprendido entre o 10% e o 50 % respecto do total da actividade desenvolvida na dita aula, sempre que o número de usuarios da mesma represente unha porcentaxe superior ao 2% sobre a poboación total do concello respectivo.

Sen prexuízo do desenvolvemento da programación que, en materia de inclusión dixital, se estableza para toda a Rede CeMIT, as aulas de referencia establecerán un programa anual específico de actuacións destinadas á inclusión dixital que impulse a participación dos axentes sociais e empresariais do concello respectivo e que fomente a participación dos seus habitantes como voluntarios dixitais no marco do Plan de Inclusión Dixital de Galicia.

Previa solicitude dos concellos interesados ante a Amtega, presentada dentro do mes seguinte á sinatura deste convenio, a consideración de aula de referencia establecerase por resolución da dirección da Axencia para a Modernización Tecnolóxica de Galicia, a proposta da Comisión de Seguimento prevista na cláusula décima do presente convenio, na que figurarán as obrigas relacionadas co pago e a certificación de das achegas destinadas a actividades de inclusión dixital.

Contra a resolución anterior, que pon fin á vía administrativa, poderase interpoñer recurso potestativo de reposición ante o mesmo órgano que a ditou no prazo dun mes contado desde o día seguinte ao da súa notificación, de conformidade co disposto nos artigos 116 e 117 da Lei 30/1992, de 26 de novembro, de réxime xurídico das administracións públicas e do procedemento administrativo común, ou recurso contencioso-administrativo, no prazo de 2 meses contados desde a mesma data, ante a Sala do Contencioso-Administrativo do Tribunal

galicia





XUNTA DE GALICIA



Superior de Xustiza de Galicia, segundo o disposto no artigo 46 en relación co 10 da Lei 29/1998, do 13 de xullo, reguladora da xurisdición contencioso- administrativa, sen prexuízo de que os interesados poidan utilizar calquera outro que estimen pertinente e oportuno.

Os concellos interesados acompañarán a solicitude á que fai referencia o parágrafo anterior da seguinte documentación:


- Declaración responsable de non estar incurso en ningunha das prohibicións para a obtención de subvencións contempladas no artigo 10 da Lei 9/2007, de 13 de xuño, de subvencións de Galicia.
- Declaración xurada na que conste o compromiso de cumprimento das obrigas contempladas no artigo 11 da Lei 9/2007, do 13 de xuño, de subvencións de Galicia, sen prexuízo do disposto no Artigo 31.7 da Lei 9/2007, do 13 de xuño, de subvencións de Galicia.

A Axencia para a Modernización Tecnolóxica de Galicia publicará e manterá actualizada a relación de aulas CeMIT que teñan a consideración de aulas de referencia.

#### **CUARTA.- Obrigas da Axencia para a Modernización Tecnolóxica de Galicia**

A Axencia para a Modernización Tecnolóxica de Galicia asume as seguintes obrigas:

- Realizar á FEGAMP a achega económica prevista na cláusula sexta do presente convenio, coa finalidade de que se proceda ao seu reparto entre os concellos que dispoñan dunha aula de referencia, conforme aos criterios fixados neste convenio.
- Definir o Plan de Inclusión Dixital de Galicia para converter á sociedade galega nunha “Comunidade Dixital” que comparta valores, fomente a igualdade de oportunidades e sexa participativa e colaborativa, utilizando servizos dixitais para a mellora do seu benestar e a súa calidade de vida.
- Promover e difundir o Plan de Inclusión Dixital de Galicia.



galicia





XUNTA DE GALICIA



- Impulsar e activar a participación plena dos axentes sociais, empresarias e entidades públicas para realizar actuacións en materia de inclusión dixital, co fin de garantir a capilaridade dos servizos en todo o territorio.
- Xestionar e coordinar as actividades enmarcadas no Plan de Inclusión Dixital de Galicia, e agregar, xunto coa FEGAMP os recursos para o seu axeitado cumprimento.
- Dotar de formación e contidos dixitais para axudar aos concellos nas actividades de inclusión dixital.
- Manter as infraestruturas actuais dos 92 Concellos da Rede CeMIT e continuar financiando o equipamento e soporte destas infraestruturas durante a vixencia do presente convenio.
- Impulsar espazos de participación (cidadanía, profesionais TIC, asociacións, entidades de acción voluntaria, empresas sociais, etc.) para o fomento de actividades en materia de inclusión dixital.
- Controlar e avaliar as actuacións realizadas no eido da inclusión e capacitación dixital, coa información recibida a través das actividades de seguimento levadas a cabo pola FEGAMP.
- Comprobar o cumprimento e efectividade das condicións ou requisitos determinantes para o outorgamento das subvencións, así coma a revisión da documentación xustificativa da realización das actividades e o cumprimento da finalidade que determine o desfrute da subvención.

#### **QUINTA.- Obrigas da Federación Galega de Municipios e Provincias**

A Federación Galega de Municipios e Provincias colaborará activamente para a consecución do obxecto do presente convenio e a tal fin asume como obrigas as seguintes:

- Transferir entre os concellos que dispoñan dunha aula de referencia, previa xustificación da actividade subvencionada e informe de conformidade da Área de Sociedade Dixital da Axencia

galicia





XUNTA DE GALICIA



para a Modernización Tecnolóxica de Galicia previsto na cláusula oitava deste convenio, os fondos recibidos por parte da Amtega, segundo resulte da aplicación dos criterios fixados neste convenio .

- Solicitar a documentación xustificativa da realización das actividades e o cumprimento da finalidade que determinen a concesión ou o disfrute da subvención.
- Colaborar coa Amtega na definición, difusión e posta en marcha do Plan de Inclusión Dixital de Galicia.
- Desenvolver unha comunicación centralizada cos Concellos participantes nas actuacións de inclusión dixital.
- Manter a interlocución coa Amtega en todos os aspectos relacionados coas actuacións de inclusión dixital levadas a cabo polos Concellos.
- Colaborar coa Amtega na procura de axentes sociais, empresarias e entidades públicas do territorio para realizar actuacións en materia de inclusión dixital, co fin de garantir a capilaridade dos servizos.
- Reintegrar a Axencia para a Modernización Tecnolóxica de Galicia as cantidades recibidas e non executadas.

**SEXTA.- Orzamento**

A Axencia para a Modernización Tecnolóxica de Galicia financiará, a través da Federación Galega de Municipios e Provincias , as actuacións que en materia de inclusión dixital realicen os concellos con aulas de referencia ata un importe máximo de SETECENTOS SESENTA E OITO MIL DOUSCENTOS SETENTA E DOUS EUROS (768.272 €) con cargo á partida orzamentaria 04.A1.571A.460.0 dos orzamentos xerais da Comunidade Autónoma de Galicia para o ano 2014.

	2014
04.A1.571A.460.0	768.272 €

galicia





XUNTA DE GALICIA



A Amtega transferirá trimestralmente á Federación Galega de Municipios e Provincias a cantidade de 192.068 € dentro dos primeiros quince días de cada trimestre do ano coa finalidade de posibilitar o financiamento necesario para poder levar a cabo as actuacións do convenio.

O financiamento por parte da Amtega das actuacións obxecto do presente convenio será compatible con outras axudas establecidas por outra Administración Pública, organismo ou ente público ou privado, nacional ou internacional para o mesmo fin.

A achega anterior será entregada en concepto de depósito sen que en ningún caso forme parte do patrimonio da FEGAMP e será obxecto de contabilidade separada.

A FEGAMP está exenta da constitución de garantía para asegurar as cantidades que se lle transfiran para a distribución de fondos entre os concellos.

Este convenio queda condicionado á existencia de crédito axeitado e suficiente nos orzamentos xerais da Comunidade Autónoma de Galicia que se aproben para o ano 2014

#### **SÉTIMA.- Gastos subvencionables**

Considéranse gastos subvencionables aqueles que de xeito indubitado respondan á natureza da actividade subvencionada e se realicen dentro do prazo de vixencia do presente convenio. En ningún caso o custe de adquisición dos gastos subvencionables poderá ser superior ao valor de mercado.

Con carácter xeral, considerarase gasto realizado cando se teña contabilizado o recoñecemento da obriga polo órgano competente da entidade local.

#### **OITAVA.- Importe máximo subvencionable para as aulas de referencia**

O importe máximo subvencionable para cada un dos concellos que contén con aula de referencia será o seguinte:

- Concellos de 5.000 ou máis habitantes: 15.000 €

galicia





XUNTA DE GALICIA



- Concellos de menos de 5.000 habitantes: 7.251 €

#### NOVENA.- Pagamentos aos concellos con aula de referencia



Para proceder ao pagamento aos concellos con aula de referencia será necesaria a execución polos mesmos da actividade subvencionada e a presentación ante a Federación Galega de Municipios e Provincias, antes da finalización de cada trimestre, da seguinte documentación xustificativa:

- Solicitud de pagamento.
- Memoria das actividades realizadas, resultados obtidos e os datos e incidencias máis salientables habidos na súa execución.
- Conta xustificativa na que se conteña:

- Certificación expedida pola Secretaría da entidade local, co visto e prace do/a alcalde/sa ou presidente/a, en que se faga constar, como mínimo, de forma detallada, o seguinte:

- O cumprimento da finalidade da subvención.
- Os distintos conceptos e contías correspondentes aos gastos totais soportados pola entidade beneficiaria imputables á actuación subvencionada coa seguinte relación: identificación do/a acreedor/a, número de factura ou documento equivalente, importe, data de emisión e data de recoñecemento da obriga polo órgano competente.

- Declaración do conxunto de axudas solicitadas, tanto as aprobadas ou concedidas como as pendentes de resolución, para o mesmo proxecto, das administracións públicas competentes ou das súas entidades vinculadas ou dependentes así como dos entes privados. Nesta declaración, se é o caso, deberá figurar unha relación



galicia





XUNTA DE GALICIA



detallada doutros ingresos ou subvencións que houberen financiado a actividade subvencionada con indicación do importe e a súa procedencia.

- Declaración responsable relativa á titularidade da conta onde se debe realizar o pagamento, en que conste a razón social e NIF, así como o código de banco, código de sucursal, dígito control e código de conta corrente.

- No caso de estar exento do imposto sobre o valor engadido (IVE), documentación acreditativa da mencionada exención.

- Calquera outra documentación ou material que o beneficiario considere necesario presentar para unha mellor xustificación das actuacións obxecto do presente convenio.

A FEGAMP remitirá á Amtega a documentación anterior para a súa revisión e comprobación por parte da área de Sociedade Dixital da Axencia para a Modernización Tecnolóxica de Galicia.

O pagamento da FEGAMP aos concellos realizarase previo informe de conformidade da Área de Sociedade Dixital da Axencia para a Modernización Tecnolóxica de Galicia.

En todo caso, a Axencia para a Modernización Tecnolóxica de Galicia resérvase o dereito de solicitar aos concellos toda a documentación que se considere precisa en relación coa realización das actuacións obxecto do presente convenio e calquera outra que estime oportuna para a correcta xustificación do gasto e o seu pagamento.

Será requisito para a obtención da subvención que as entidades locais cumpran có deber de remisión ao Consello de Contas das contas xerais de cada exercicio.

En todo caso, os concellos terán a obriga de reintegrar os fondos percibidos en caso de inexecución da actividade subvencionada ou incumprimento das condicións ou requisitos determinantes para o outorgamento das subvencións. Así mesmo, terán a obriga de facilitar toda a información que se lles requira pola Intervención Xeral da Comunidade Autónoma, o Tribunal de Contas e o Consello de Contas no exercicio das súas funcións fiscalización e control do destino das subvencións.

galicia





XUNTA DE GALICIA



**DÉCIMA.- Vixencia.**

O presente convenio entrará en vigor na data da súa sinatura e terá vixencia ata o 31 de decembro de 2014.

**DÉCIMO PRIMEIRA.- Comisión de seguimento**

Para velar polo cumprimento do estipulado, constituirase unha comisión de seguimento da execución do convenio, formada por dous representantes da Axencia para a Modernización Tecnolóxica de Galicia, un representante da Dirección Xeral de Administración Local e tres representantes da Federación Galega de Municipios e Provincias que actuará como órgano de vixilancia, seguimento e control do establecido neste convenio, promovendo, se o considera adecuado, outras actuacións que poidan enriquecer o seu desenvolvemento. A composición da dita comisión será a seguinte:

- Pola Axencia para a Modernización Tecnolóxica de Galicia, a directora da Axencia para a Modernización Tecnolóxica de Galicia, ou persoa na que delegue, e a titular da dirección da Área de Sociedade Dixital, ou persoa que a substitúa.

- Pola Dirección Xeral de Administración Local, o director xeral ou persoa na que delegue.

- Tres representantes da Federación Galega de Municipios e Provincias.

Esta comisión estará presidida pola directora da Axencia para a Modernización Tecnolóxica de Galicia, que terá voto de calidade, e reunirse en tódalas ocasións que se estimen oportunas. Exercerà como Secretario da Comisión de Seguimento un dos representantes da Federación Galega de Municipios e Provincias.

**DÉCIMO SEGUNDA.- Publicidade**

A Federación Galega de Municipios e Provincias consente expresamente a inclusión dos datos relevantes deste convenio nos rexistros públicos que proceda, de acordo coa Disposición Adicional

galicia





XUNTA DE GALICIA



do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia e no Decreto 126/2006, do 20 de xullo, polo que se regula o Rexistro de Convenios da Xunta de Galicia.

**DÉCIMO TERCEIRA.- Resolución.**

O presente convenio resolverase por incumprimento total ou parcial dalgunha das cláusulas que o regulan ou polo transcurso do tempo estipulado.

Así mesmo, poderase resolver por denuncia unilateral de calquera das partes previa comunicación á outra parte con tres meses de antelación.

**DÉCIMO CUARTA.- Inexistencia de relación laboral.**

A subscrición do presente convenio non implicará relación laboral, contractual ou de calquera outro tipo entre os profesionais que realicen as actividades obxecto deste convenio e a Axencia para a Modernización Tecnolóxica de Galicia.

**DÉCIMO QUINTA.- Interpretación.**

O presente convenio ten natureza administrativa, e como tal excluído do ámbito de aplicación do Texto refundido da Lei de contratos do sector público (artigo 4.1.d) do TRLCSP, se ben se observarán os seus principios para a resolución das dúbidas e lagoas que se puidesen presentar.

Rexerase polas súas propias cláusulas e supletoriamente, polas normas xerais do dereito administrativo.

**DÉCIMO SEXTA.- Normativa aplicable**

O presente convenio de colaboración rexerese por:

- A Lei 9/2007, do 13 de xuño, de subvencións de Galicia e o Decreto 11/2009, do 8 de xaneiro, polo que se aproba o seu regulamento.



galicia





XUNTA DE GALICIA



- Normativa básica da Lei 38/2003, do 17 de novembro, Xeral de Subvencións e do Real Decreto 887/2006, do 21 de xullo, polo que se aproba o Regulamento da devandita lei.
- Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos.
- Lei 2/2013, do 27 de febreiro, de orzamentos xerais da Comunidade Autónoma de Galicia para o ano 2013.
- Acordo adoptado polo consello da Xunta de Galicia na súa reunión do día 27 de marzo de 1991 e feito público mediante Resolución da Consellería de Economía e Facenda de data 8 de abril de 1991, sobre convenios de cooperación con outros entes públicos e de colaboración con particulares.
- A Lei 4/2006, de transparencia e boas prácticas da Administración pública Galega nos seus artigos 11 e 13.
- Decreto 193/2011, de 6 de outubro, polo que se regulan especialidades nas subvencións ás entidades locais galegas

E, en proba de conformidade, asínase o presente convenio por duplicado no lugar e data indicados no encabezamento.

O vicepresidente e conselleiro de Presidencia,  
Administracións Públicas e Xustiza

Alfonso Rueda Valenzuela

A directora da Axencia para a Modernización  
Tecnolóxica de Galicia



Mar Pereira Álvarez

O presidente da Federación Galega de

Municipios e Provincias



Jose Manuel Rey Varela